



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1415. usque ad annum 1431

**Fleury, Claude**

**August. Vind. [u.a.], 1768**

**VD18 90118294**

§. 44. Synodus Dertusana.

---

[urn:nbn:de:hbz:466:1-66272](https://nbn-resolving.org/urn:nbn:de:hbz:466:1-66272)

Sæcul. XV. A.C. 1429. mentis VIII. Aulæ Ministris suas dignitates, atque officia deposuerunt. Idem quoque a quibusdam in oppido D. Mathæi, ab aliis in arce Paniscolensi per aliquot dies usque ad vigesimam quartam Augusti factum fuit, atque hac super re publicum confectum est instrumentum. Ab hac itaque diē certa epocha magni hujus schismatis tandem extincti ducenda est, quod ab undecimo Septembris die Anni millesimi trecentissimi septuagesimi octavi, quo Clemens VIII. Fundis electus est, per unum & quinquaginta fere annos crudelissime Ecclesiam dilaceravit. Alphonfus Borgias, postmodum sub Calixti III. nomine Pontifex creatus, Legato ad extinctionem hujus schismatis egregiam navavit operam; ut autem quadam ratione Pontifex Munioni abdicatæ suæ dignitatis memoriam oblitteraret, eum Majoricensi Episcopatu decoravit.

## §. XLIV.

*Synodus Dertusana.*

*Labbe Conc.* Cardinalis de Fuxo Legationis suæ negotiis ex animi sententia compositis, *to. 12. p. 406.* Dertusæ, a qua Paniscola dependebat, Synodum coegit. Advenerant cuncti Prælati, ac Clericorum præcipui ex Arragoniæ & Valentiaë regnis, necnon ex Catalanæ Principatu. Primo quidem non-

nonnisi tres Episcopi aderant, nimirum I-<sup>Sæcul. XV.</sup>  
 lerdanus, Dertusanus, ac Valentinus, sed <sup>A. C. 1429.</sup>  
 brevi alii quinque accesserant, cum qua-  
 tuor Vicariis Generalibus; Aderant quo-  
 que plurimi Capitulorum Deputati, plu-  
 resque Abbates Ordinum S. Augustini,  
 S. Benedicti, necnon Cisterciensium, Præ-  
 monstratensium, & duo Priores Ordinis  
 B. V. Mariæ de Mercede, præter alios  
 Conventuum Priores, Decanos, Præposi-  
 tos, & Archidiaconos, quorum plus-  
 quam ducenti comparuerunt. Præpri-  
 mis legebatur Bulla abdicationis Ægidii  
 Munionis Legato tradita; postmodum in  
 quatuor Sessionibus quædam Constitu-  
 tiones ac decreta de officio divino, orna-  
 tu Ecclesiarum, Juventutis informatione,  
 & requisitis Beneficiariorum dotibus  
 recitata, aliaque plura statuta condita  
 fuere.

## §. XLV.

*Sessio prima.*

Die decima nona Septembris habita est *Conc. Gen.*  
 Sessio prima, in qua Cardinalis dep. 416.

Fuxo legationis suæ causas exposuit, sci-  
 licet I. *Extinctionem schismatis, & Panisco-*  
*lensium reductionem, II. Regis Arragonici*  
*cum Papa reconciliationem. III. Liberta-*  
*tis Ecclesiasticæ in illis partibus reparatio-*  
*nem. IV. Ecclesiarum, totiusque status Ec-*  
*clesia-*